



Copenhagen Declaration

Promoting a sustainable and fair
Blue Economy free from fisheries crime

Nunarsuaq tamakkerlugu aalisakkerinermi aqqissuussamik killeqarfillu akimorlugit pinerlunniartarnerit akiorniarlugit nunarsuarmioqatigiit nalunaarutaat

**Ministeriusugut Savalimmiuneersut, Ghanameersut, Indonesiameersut,
Kiribatimeersut, Namibiameersut, Norgemeersut, Palaumeersut,
Salomonip Qqertaaneersut Sri Lankameersullu;¹**

Ministerit allat nalunaarut inatsisitigut pisussaaffiliinngitsoq tapersersoqqullugu kaammattorpavut.

Unioqqutitsilluni aalisarnerit pillugit nunat tamalaat Yogyakartaami, Indonesiami 10–11 oktober 2016-imi aappasaanik ataatsimeersuarneranni kaammattuutigineqartut angusallu Naalagaaffit Peqatigiit. Wien-imi 22–26 maj 2017-imi pinerlunniartarnerit pillaasarnermik inatsisiliornermullu tunngatillugu seksogtyvessaanik ataatsimeersuareernerata kingorna FN-ip ikiaroonartunut pinerlunniartarnermullu tunngatillugu allaffianit saqqummiunneqartut erseqqissaatigineqarput.²

Nunagisatsinni innuttaasut immami pisuussutit aqqutigalugit aningaasarsiorsinnaanissamut, nerisaqarniarnermut atugarissaanissamullu periarfissai eqqarsaatigalugit imartatsinnik pinngitsuuisinnaannginnerput nassuerutigalugu aalajangerpugut aalisakkanik tunisassiornermi pitsaasumik ineriartortitsiffiusumik unioqqutitsinertaqanngitsumillu aammalu aporfilersugaanngitsumik unammilleqatigiiffiusumik kiisalu imartatsinnik nungusaataanngitsumik ineriartortitsinissaq akuerissallugu.

FN-ip nungusaataanngitsumik ineriartortitsinissamut anguniagaasa, pingaartumik anguniagaq nr. 14 "immap iluani uumasut" aamma anguniagaq nr. 16-ip "eqqissineq, naapertuuttumik ingerlatsineq suliffeqarfillu nukittuut" tunaartaralugit sulinissarput anguniarlugu immitsinnut pisussaaffilerpugut.

Nunarsuarmi aalisarnermik inuussutissarsiuteqarnermi aaqqissugaasumik killeqarfiit akimorlugit pinerluttuliortarnerup piunerata taamatullu ingerlatsinerup aningaasaqarniarnermut sakkortuumik sunniuteqartarnera, niuernermi unammilleqatigiinnermik equtitsisarnera, avatangiisinut sunniuteqarnerluttarnera aammalu inuit pisinnaatitaaffiisa tunngavianik sanngiillisisisup nunarsuarmioqatigiinnit paasineqarnissaata pisariaqartinneqarnera qularutiginnilavut.

Killeqarfiit akimorlugit unioqquutitsisarnerit aalisarnermik inuussutissarsiut tamakkerlugu pisarnera tassalu pilersuisunit, tunisassiarineqarnerinut nioqquutigineqarnerilu pisarnera, ileqqorluttuliornikkut, moms aamma akitsuutit aqutigalugit, pinerlunnikkut aningaasarsianik malunnarunnaarsaannikkut, aningaasanik paarisaniq peqquserluuteqarnikkut, allagartanik uppersaatinik peqquserluuteqar-tarnikkut inussiaatissanillu tuniniaasarnikkut pisarineri akueraavut.

Tamatuma saniatigut akuersaarneqarpoq aalisakkanit tunisassianik anngiortunik nunarsuit akor-nanni assartuisarnermi ilaatigut nunarsuaq tamakkerlugu aalisakkerinermi aaqqissuussamik kille-qarfillu akimorlugit pinerlunniartarnermi unioqquutitsilluni aningaasanik nuutsisoqartarmat inunnillu inussiaatissanik tuniniaasoqartarmat, taamatullu pisoqarsimatillugu misissuinerni nunat tamarmik suleqatigiittariaqartarnissaat pisariaqarmat.

Naalagaaffiit susassaqartut oqartussaasui akimorlugit suleqatigiinnikkut nunarsuaq tamakkerlugu aalisakkerinermi aaqqissuussamik killeqarfillu akimorlugit pinerlunniartarnerit akiorniarlugit piun-naarsinnissaallu anguniarlugu suliniuteqarneq nunat ataasiakkaat, nunat sanileriit nunallu tamalaat suliniuteqarnerinut iluaqutaanissaa qularutigineqanngilaq.

Tamatuma saniatigut nunat tamalaat suleqatigiittariaqarnissaasa pisariaqarnera aammalu nunat ineriartortut immikkut eqqorneqartarneri qularutiginnilarput.

Nunani ineriartorfiusuni naalagaaffiit qeqertaaqqat naalagaaffiillu imarpillit nunarsuaq tamakker-lugu aalisakkerinermi aaqqissuusamik killeqarfillu akimor-lugit pinerlunniartarnermi immikkut eqqorneqarsinnaaneri nassuerutigaaavut.

Tamatuma saniatigut ilisimavarput ajornartorsiutit tamakku soorlu aaqqissuussinerit *internationale FishCrime-konference-tut* ittut aqutigalugit isiginiarneqarnerulernissaasa anguniarnerini oqartus-sanit qulliuernerpaanit ingerlaavartumik tapersersorneqartarnissaq pisariaqartussaammat.

- 1 Savalimmiut, Ghanap, Indonesiap, Kiribatip, Namibiap, Norgep, Palaup, Salomon qeqertaasa Sri Lankallu (isu-maqatigiissut ulloq 15.10.2018 atsiorpaat)
- 2 Paasissutissanik ujaasiffiusut E/CN.15/2017/CRP.3 aamma una aqutigalugu pissarsiarineqarsinnaavoq: http://www.unodc.org/documents/commissions/CCPCJ/CCPCJ_Sessions/CCPCJ_26/E_CN15_2017_CRP3_e_V1703449.pdf